

Projekat CEB II – “Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)” koje implementira PIU FBiH

Broj: 04-36-1-2053- 1832-2 /13

Datum: 14.09.2021.godine

Na osnovu člana 69. stav (2) tačka e) i člana 70. stav (1), (4) i (6) Zakona o javnim nabavkama („Službeni glasnik BiH” broj: 39/14), federalni ministar *d o n o s i* :

**ODLUKU
O PONIŠTENJU POSTUPKA JAVNE NABAVKE**

Član 1.

Poništava se postupak javne nabavke izvođenja građevinskih radova na izgradnji višestambenog objekta u općini Gračanica (16 stambenih jedinica), u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja” - Pod-projekat 021 CON, na osnovu člana 69. stav (2) tačka e), Zakona o javnim nabavkama („Službeni glasnik BiH” broj:39/14).

Član 2.

Odluka Stupa na snagu danom donošenja i objavit će se na web-stranici Ugovornog organa (www.fmroi.gov.ba) istovremeno s upućivanjem iste ponudačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” broj:39/14).

O b r a z l o ž e n j e

Postupak javne nabavke za izvođenje građevinskih radova na izgradnji višestambenog objekta u općini Gračanica (16 stambenih jedinica), u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja” - Pod-projekat 021 CON, u okviru Projekta CEB II, koji implementira PIU FBiH, pokrenut je Odlukom o pokretanju postupka javne nabavke, broj: 04-36-1-2053-1795-1/13 od 01.07.2021. godine.

Javna nabavka je planirana u Anexu Plana javnih nabavki za 2021. godinu, za projekat CEB II-PIU FBiH, koji je objavljen na web stranici Ugovornog organa (www.fmroi.gov.ba) u skladu sa članom 17. Zakona o javnim nabavkama („Službeni glasnik BiH” broj:39/14). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH”, broj: 39/14).

Obavještenje o nabavci broj: 668-1-3-33-3-94/21 od 01.07.2021. godine, je objavljeno na Portalu javnih nabavki (www.ejn.gov.ba.)

Komisija za javnu nabavku imenovana je Rješenjem Ugovornog organa, broj: 04-36-1-2053-1795-2/13 od 01.07.2021. godine. Komisija za javnu nabavku dostavila je Zapisnik o pregledu i ocjeni ponuda odgovornoj osobi Ugovornog organa, kao i Preporuku o poništenju postupka javne nabavke.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno slijedeće:

- U tabeli br. 1, u skladu sa provedenim postupkom iz člana 1. ove Odluke, svoje ponude dostavili su slijedeći ponuđači:

RB	Naziv i sjedište ponuđača	Datum i vrijeme zaprimanja ponude	Ukupna cijena ponude u KM (bez PDV-a)	Popust na cijenu ponude u KM (bez PDV-a)	Ukupna cijena ponude sa popustom u KM (bez PDV-a)
1.	KRISTAL d.o.o. ŽIVINICE	06.08.2021. u 08 ⁰⁰	1.628.764,93 KM	0%	1.628.764,93 KM
2.	KONZORCIJ BAUMAX d.o.o. SREBRENİK i TEHNOGRAD- COMPANY d.o.o TUZLA	06.08.2021. u 08 ³⁵	1.626.288,25 KM	11% (178.891,71 KM)	1.447.396,54 KM
3.	PAPILON d.o.o. KORAJ-ČELIĆ	06.08.2021. u 09 ⁰⁵	1.585.806,73 KM	17% (269.587,14 KM)	1.855.393.87 KM
4.	SAGRA d.o.o GRAČANICA	06.08.2021. u 09 ¹⁰	1.342.217,00 KM	3% (40.266,51 KM)	1.301.950,50 KM
5.	GROMEKS d.o.o SREBRENİK	06.08.2021. u 09 ⁵⁰	1.215.879,06 KM	0%	1.215.879,06 KM

Konstatovano je:

- da je ukupno dostavljeno 5 (pet) ponuda,
- da je blagovremeno zaprimljeno 5 (peti) ponuda,
- da nije bilo neblagovremeno zaprimljenih ponuda i
- da sve blagovremeno dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa Zakonom o javnim nabavkama („Službeni glasnik BiH” broj:39/14) i kriterijima iz tenderske dokumentacije.

Svi članovi Komisije sa pravom glasa koristili su tabelu za tehničku evaluaciju, kako bi procijenili ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove.

U procesu tehničke evaluacije ponuda, a na osnovu uslova i zahtjeva iz tenderske dokumentacije vezanih za oblik, saržaj i potpunost ponude, ustanovljeno je da ponuda Konzorcija: BAUMAX d.o.o SREBRENİK - TEHNOGRAD-COMPANY d.o.o Tuzla i ponuđača SAGRA d.o.o. GRAČANICA **ne ispunjavaju** tehničke uslove date u tenderskoj dokumentaciji, te da isti nisu bili predmet dalje analize i vrednovanja iz razloga kako slijedi:

- **KONZORCIJ BAUMAX d.o.o. SREBRENİK- TEHNOGRAD-COMPANY d.o.o TUZLA**

Ponuđač Konzorcij Baumax d.o.o. Srebrenik-Tehnograd-company d.o.o. Tuzla nije ispunio uslove propisane tačkom 9.2.1. podtačka d) TD .

Tačkom 9.2.1. podtačka d) TD propisan je sadžaj Ponude:

Obrazac za cijenu ponude, sačinjen i popunjen u skladu sa formom koja je data u Aneksu 3 tenderske dokumentacije, ovjeren i potpisan od strane Ponuđača.

Prilikom pregleda navedene ponude Komisija je konstatovala da Aneks 3 – *Predmjer vanjsko uređenje hidroinstalacije* nije u potpunosti popunjen na način kako slijedi:

- Na strani 57. ponude, stavka *III Fekalna kanalizacija, u tački 6.* nisu upisane jedinične cijene u rubriku *Ukupna jedinična cijena bez PDV-a KM i Ukupna cijena bez PDV-a KM*, te predmjer nije popunjen u skladu sa zahtjevima iz tenderske dokumentacije, gdje je izričito navedeno da Obrazac za cijenu ponude mora biti sačinjen i popunjen u skladu sa formom koja je data u Aneksu 3.

Obzirom da navedena polja nisu popunjena, ponuda **Konzorcija Baumax d.o.o. Srebrenik-Tehnograd-company d.o.o. Tuzla** ne ispunjava zahtjeve iz tenderske dokumentacije, te se ista odbacuje kao neprihvatljiva u skladu sa članom 68. stav 4), tačka i) Zakona o javnim nabavkama („Službeni glasnik BiH”, broj 39/14)

- **Ponudlač SAGRA d.o.o. GRAČANICA**

Tačkom 8.4.2. podtačka a) TD propisan je sadržaj Ponude:

a) *Spisak izvršenih ugovora uz potvrdu o njihovoj realizaciji koju daje druga ugovorna strana. U slučaju da se takva potvrda iz objektivnih razloga ne može dobiti od ugovorene strane, koja nije Ugovorni organ, važi izjava privrednog subjekta/ponudlača o uredno izvršenim ugovorima uz predočavanje dokaza o učinjenim pokušajima da se takve potvrde obezbjede (u skladu sa zahtjevima člana 48. stav 2) ZJN). Izjava o uredno izvršenim ugovorima mora biti ovjerena kod nadležnog organa (sud, notar, općina) i ista ne smije biti starija od 30 dana od dana predaje ponude.*

- *Spisak izvršenih ugovora mora biti ovjeren i potpisan od strane ponudlača. Ugovori navedeni u Spisku izvršenih ugovora moraju biti u vezi sa predmetnom nabavkom, za period ne duži od pet godina od dana objavljivanja Obavještenja o nabavci ili od datuma registracije, odnosno početka poslovanja, ako je ponudlač registriran, odnosno počeo sa radom prije manje od pet godina. Spisak izvršenih ugovora minimalno treba da sadrži sljedeće informacije, za svaki ugovor posebno:*
 - a. *naziv pravnog lica za koje je ugovor izvršen,*
 - b. *predmet izvršenja ugovora,*
 - c. *vrijednost izvršenog ugovora,*
 - d. *godinu izvršenja ugovora (...).*

(...)Ukoliko ponuda u svom sadržaju ne bude imala minimalne tražene dokaze koji se zahtjevaju za profesionalnu i tehničku sposobnost, biti će odbačena kao nepotpuna.

Uvidom u ponudu predmetnog ponudlača, Komisija je konstatovala da je ponudlač u svojoj ponudi nije dostavio traženi spisak izvršenih ugovora u posljednjih pet godina, te je utvrđeno da je ponuda istog neprihvatljiva, te da ne može biti predmet daljeg vrednovanja.

Ponuda ponudlača **SAGRA d.o.o. GRAČANICA** odbačena je na osnovu člana 68. stav (1) Zakona o javnim nabavkama (Sl. Glasnik BiH broj: 39/14) iz razloga jer navedeni ponudlač nije ispunio uslove iz člana 48. stav (2) Zakona o javnim nabavkama („Službeni glasnik BiH”, broj 39/14) i tačke 8.4.2 podtačka a) TD.

U tabeli br. 2 dat je pregled i izvršeno je rangiranje **prihvatljivih ponuda prema kriteriju za izbor ponude „najniža cijena“** kako slijedi:

RB	Naziv ponuđača	Cijena iz obrasca ponude bez popusta i bez PDV-a	Popust	Ukupna cijena nakon računske provjere (sa popustom i bez PDV-a)
1.	GROMEKS d.o.o. SREBRENİK	1.215.879,06 KM	0%	1.215.879,06 KM
2.	PAPILON d.o.o. KORAJ-ČELIĆ	1.585.806,73 KM	17%	1.316.219,59 KM
3.	KRISTAL d.o.o ŽIVINICE	1.627.264,86 KM	0%	1.627.264,86 KM

Ponude ponuđača „GROMEKS“ d.o.o. SREBRENİK, „PAPILON“ d.o.o. KORAJ-ČELIĆ i „KRISTAL“ d.o.o ŽIVINICE, prihvatljive su za Ugovorni organ, dostavljeni su svi traženi dokazi propisani tenderskom dokumentacijom, na propisan način te su iste dalje bile predmet provođenja postupka nabavke uz korištenje sistema E-aukcije za kriterij cijene „najniža cijena“ kako slijedi:

Podaci o provedenoj e-aukciji:

- **Broj postupka: 668-1-3-33/21**
- **Datum i vrijeme zakazivanja** E-aukcija: 20.08.2021. godine u 11:30.
- Vrsta postupka: otvoreni postupak
- Kriterij za dodjelu ugovora: najniža cijena
- Naziv predmeta ugovora: CEB II - Izvođenje građevinskih radova na izgradnji višestambenog objekta u općini Gračanica, u okviru Projekta CEB II

Rang lista ponuđača koji su pozvani da učestvuju u E-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	GROMEKS	4209336740003	1215879,06 KM	1.
2.	„PAPILON“ d.o.o. KORAJ-ČELIĆ	4209236100007	1316219,69 KM	2.
3.	KRISTAL	4209600350006	1627264,86 KM	3.

Tok E-aukcije

- Period trajanja e-Aukcije
- Početak: 20.08.2021. 11:30:00
- Završetak: 20.08.2021. 11:54:00
- Minimalna razlika podnesene cijene: **1215,87**
- Maksimalna razlika podnesene cijene: **121587,90**

Konačna rang lista ponuđača koji su učestvovali u E-aukciji:

R.br.	Naziv ponuđača	IDB/JIB	Konačna cijena u KM bez PDV-a	Rang
1.	GROMEKS	4209336740003	1205000,00 KM	1.
2.	„PAPILON“ d.o.o. KORAJ-ČELIĆ	4209236100007	1206284,00 KM	2.
3.	KRISTAL	4209600350006	1627264,86 KM	3.

Uvidom u izvještaj nakon provedene e-aukcije, Komisija je ustanovila da je najpovoljniji ponuđač GROMEKS d.o.o. SREBRENİK sa cijenom ponude u iznosi od 1.205.000,00 KM bez PDV-a, koja znatno prelazi procijenjenu vrijednost nabavke, obzirom da je procijenjena vrijednost nabavke iznosi 970.000,00 KM bez PDV-a.

Komisija se dopisom broj: 04-36-1-2053-1817-2/13, obratila Ugovornom organu za mogućnost obezbjeđenja dodatnih sredstava za predmetnu nabavku.

Projekt menadžer je uputio Komisiji za javnu nabavku dopis broj: 04-36-1-2053- 1817-3/13 od 06.09.2021.godine u kojem je navedeno da procijenjena vrijednost nabavke iznosi 970.000,00 KM bez PDV-a a da je najpovoljniji ponuđač GROMEKS d.o.o. Srebrenik dostavio ponudu u iznosu od 1.205.000,00 KM bez PDV-a, navedeno prekoračenje je znato u odnosu na procijenjenu vrijednost nabavke i na osigurana sredstva za ovaj podprojekat. **Imenovana Komisija treba da postupa u skladu sa članom 69. Zakona o javnim nabavkama BiH, te postupak poništi.**

Uzimajući u obzir naprijed navedeno, primjenom člana 69. stav (2) tačka e) Zakona o javnim nabavkama („Službeni glasnik BiH” broj: 39/14), odlučeno je kao u članu I. ove Odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

dr.sci. Edin Ramić

Dostaviti:

- Svim učesnicima u postupku
- Web stranica Ministarstva
- Radna grupa za javne nabavke Projekta CEB II
- a/a